

novine Kantona Sarajevo", broj 18/24) u članu 7. tačka a) mjenja se i glasi:

- a) Učešće iznad 20% etažnih vlasnika u ukupnim troškovima sanacije od 1 do 60 bodova i to:  
21% je 1 bod, 22% je 2 boda,... 30% je 10 bodova,...  
40% je 20 bodova,... 50% je 30 bodova, ... 60% je 40 bodova,... 70% je 50 bodova,... 80% i više je 60 bodova.

#### Član 2.

(Stupanje na snagu i rok važenja Pravilnika)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo" i važi za fiskalnu 2024. godinu.

Broj 09-02-1-3936-1/24

19. jula 2024. godine

Sarajevo

Općinski načelnik

Dr. **Hasan Tanović**, s. r.

### OPĆINA TRNOVO

#### Općinski načelnik

Na osnovu člana 59. Zakona o Budžetima Federacije Bosne i Hercegovine (Službene novine Federacije BiH", broj 102/13, 9/14, 13/14, 8/15, 91/15 i, 102/15, 104/16, 5/18, 11/19, 99/19 i 25a/22) i člana 10. Odluke o izvršavanju budžeta Općine Trnovo za 2024. godinu ("Službene novine Kantona Sarajevo", broj 1/24), općinski načelnik donosi

#### RJEŠENJE

##### O UNUTRAŠNJOJ PRERASPODJELI SREDSTAVA IZ BUDŽETA OPĆINE TRNOVO ZA 2024. GODINU

#### Član 1.

Odobrava se unutrašnja preraspodjela sredstava za kapitalne izdatke u iznosu od 7.000,00 KM predviđenih u Budžetu Općine Trnovo za 2024. godinu.

#### Član 2.

- (1) Unutrašnja preraspodjela sredstava iz člana 1. ovog rješenja se odobrava na sljedeći način:

U okviru člana 4. Budžeta Općine Trnovo ("Službene novine Kantona Sarajevo", broj 26/24), stavka 1. Izrada provedbeno-planske i projektne dokumentacije, umjesto projekta "Izrada Urbanističkog projekta Bukova ravan", treba da stoji projekat "Izrada projekta uređenja korita rijeke Krsinja u Gračanici".

(2) Preraspodjela sredstava po projektima u okviru Fonda prostornog uređenja je bila u okviru istog konta (821521-izrada projektne dokumentacije).

#### Član 3.

Za realizaciju ovog Rješenja zadužuje se Služba za privredu i finansije.

#### Član 4.

Ovo rješenje stupa na snagu danom donošenja, a naknadno će se objaviti u "Službenim novinama Kantona Sarajevo".

Broj 02-04-2977/24

19. jula 2024. godine

Trnovo

Općinski načelnik

**Ibro Berilo**, s. r.



### SLUŽBENE OBJAVE

#### KOMISIJA ZA TUMAČENJE KOLEKTIVNOG UGOVORA ZA DJELATNOST VISOKOG OBRAZOVANJA I NAUKE NA UNIVERZITETU U SARAJEVU

Na osnovu člana 48. stav (2) alineja a) Kolektivnog ugovora za djelatnost visokog obrazovanja i nauke na Univerzitetu u Sarajevu ("Službene novine Kantona Sarajevo", broj 10/24), Komisija za tumačenje Kolektivnog ugovora za djelatnost visokog obrazovanja i nauke na Univerzitetu u Sarajevu u sastavu Dženita Viteškić - predsjednica, Berina Tabak - članica, prof. dr. Amir Zahirović - član i dr. Ličina Ramić Aida - članica, povodom Zahtjeva Hadžić Šefike i Amele Kahriman od 26.06.2024. godine, a u vezi sa tumačenjem člana 30. Kolektivnog ugovora za djelatnost visokog obrazovanja i nauke na Univerzitetu u Sarajevu ("Službene novine Kantona Sarajevo", broj 10/24), na sjednici održanoj dana 19.07.2024. godine, donosi

#### ODLUKU

##### I

Utvrđuje se tumačenje člana 30. Kolektivnog ugovora za djelatnost visokog obrazovanja i nauke na Univerzitetu u Sarajevu ("Službene novine Kantona Sarajevo", broj 10/24), kako slijedi:

"Osnovna plaća radnika iz kategorije nenastavnog osoblja uvećava se za:

- prekovremeni rad 50%,
- noćni rad 35%,
- rad na dan sedmičnog odmora 30%,
- privremeno uvećan obim posla uslijed zamjene uposlenika na bolovanju ili službenom odsustvu 25%,
- rad u dane praznika koji su po zakonu državni praznici 50%,
- za rad sa opasnim materijama 15%

Rukovodilac je dužan, na prijedlog neposrednog rukovodioca, donijeti rješenje kojim se osnovna plaća radnika uvećava za određeni procenat za period u kome pored poslova svog radnog mjesta, privremeno obavlja i poslove drugog radnog mjesta, pod uslovom da ima najmanje stručnu spremu radnog mjesta, čije poslove obavlja. Rukovodilac je dužan za svaki mjesec pojedinačno donijeti posebno rješenje za radnika po gore navedenim osnovama. Rješenje kojim se osnovna plaća radnika uvećava, služi kao dokaz o privremenom uvećanju obima posla i omogućuje ostvarivanje prava na odgovarajuće naknade, u skladu sa članom 30. stav Kolektivnog ugovora.

Kolektivni ugovor za djelatnost visokog obrazovanja je obavezujući za sve poslodavce i radnike na koje se odnosi, uključujući nenastavno osoblje. Stoga, primjena odredbi Kolektivnog ugovora je obavezna i za radnice na održavanju čistoće.

Da bi radnice na održavanju čistoće mogle ostvariti pravo na naknadu za privremeno uvećan obim posla, rukovodioci su dužni izdati i formalno rješenje o zamjeni. Ovaj akt treba biti u skladu sa važećim zakonskim propisima."

##### II

Ova odluka će se dostaviti Sindikatu Univerziteta u Sarajevu putem Ministarstva za nauku, visoko obrazovanje i mlade Kantona Sarajevo.